

後
村
長
短
句

後村長短句卷四

莆田 劉克莊 潛夫

賀新郎

吾少多奇節頗揶揄玉關定遠壺頭新息一劍防身行
萬里選甚南溟北極看塞鴈銜來秋色不但架棋誇妙
手管城君亦自無勅敵終賈輩恐難匹酒腸詩膽新
來窄向西風登高望遠亂山斜日安得良弓并快馬聊
與諸公角力慢醉把欄干頻拍莫恨寒蟾離海晚待與
君秉燭遊今夕歡易買健難得

又送陳眞州子華

北望神州路試平章這場公事怎生分付記得太行山

百萬曾入宗爺駕馭今把作握蛇騎虎君去京東豪傑
喜想投戈下拜真吾父談笑裏定齊魯兩河蕭瑟惟
狐兔問當年祖生去後有人來否多少新亭揮泪客誰
夢中原塊土算事業須由人做應笑書生心膽怯向車
中閉置如新婦空目送塞鴻去

又杜子所凱歌

盡說番和漢這琵琶依稀似曲驀然絃斷作麼一年來
一度欺得南人技短歎幾處城危如卯元凱後身居玉
帳報胡兒休作尋常看布嚴令運奇算開門決鬪雌
雄判笑中宵奚車羶屋獸驚禽散箇箇魏冠橫塵柄誰
了君王此段也莫靠長江能限不論周郎并幼度便仲

尼復起嗟微管馳露布築京觀

又跋唐伯玉奏藁

宣引東華去似當年文皇親擢馬周徒步殿上風霜生
白簡下殿扁舟已具怎不與官家留住古有一言腰相
印誰教他滿篋嬰鱗疏還笏退不回顧新來邊報猶
飛羽問諸公可無長策少寬明主攀檻朱雲頭雪白流
落如今底處但一片丹心如故賴有越臺堪眺望那中
原莫已平安否風色惡海天暮

又送唐伯玉還朝

驛騎聯翩至道臺家籌邊方急酒行姑止作麼攜將琴
鶴去不管州人墮汨富與貴平生無味可但紅塵難著

腳便山林未有安身地搔白髮兀相對 前身小范疑
公是憶當年天章閣上建明尤偉慶曆諸賢方得路便
不容他老子須著放延州城裏一句殷勤牢記取在朝
廷最好圖西事何必向玉關外

又送黃成父還朝

飛詔從天下道中朝名流欲盡君王思賈時事祇今堪
痛哭未可徐徐俟駕好著手扶將宗社多少法筵龍象
眾聽靈山屬付些兒話千百世要傳寫 子方行矣乘
驄馬又送他江南太史去遊瓊廈老我伴身惟有影倚
徧風軒月榭悵玉手何時重把君向柳邊花底問看貞
元朝士誰存者桃滿觀幾開謝

又戊戌壽張守

南國秋容晚曉寒輕菊花臺榭拒霜池館試向壺山堂
上望萬頃黃雲川徧總喫著君侯方寸不要漢廷誇擊
斷要史家編入循良傳春腳到福星見家家香火人
人願要還他慶元狨座建炎蟬冕穩奉安輿迎兩國誰
謂山遙水遠福壽比河沙難算來歲而今黃花節早驂
鸞入侍瑤池宴風浩蕩海清淺

又端午

深院榴花吐畫簾開練衣紈扇午風清暑兒女紛紛誇
結束新樣釵符艾虎早已有遊人觀渡老大逢場慵作
戲任陌頭年少爭旗鼓溪雨急浪花舞靈均標致高

如許憶生平。旣紉蘭佩。更懷椒精。誰信騷魂。千載後。波底垂涎角黍。又說是蛟饒龍怒。把似而今醒到了。料當年醉死。差無苦。聊一笑。弔千古。

又九日

湛湛長空黑。更那堪。斜風細雨。亂愁如織。老眼平生空四海。賴有高樓百尺。看浩蕩。千崖秋色。白髮書生神州。淚儘淒涼。不向牛山滴。追往事。去無迹。少年自負淩雲筆。到而今。春華落盡。滿懷蕭瑟。常恨世人新意少。愛說南朝狂客。把破帽。年年拈出。若對黃花。孤負酒怕黃。花也笑人。岑寂。鴻北去。日西匿。

又奇題聶侍郎鬱孤臺

絕頂規危榭跨高寒鳥飛不過雲生其下斤斲無聲人
按堵翕留青紅變化覽城郭山川如畫閣老鳳樓脩造
手笑談閒突出淩雲廈臺上景買無價睡壺塵尾登
臨暇似當年滁陽太守歐陽公也傾倒贛江供硯滴判
斷雪天月夜更喚取鄒枚司馬銅雀淩歎歌舞散訪殘
碑斷甃無存者餘翰墨被風雅

又

動地東風起畫橋西繞溪桑柘漫山桃李寂寂牆陰蒼
苔徑猶印前回屐齒驚歲月飄馳雲駛太息攀翻長亭
樹是先生手種今如此君不樂欲何俟
傍人錯會淵明意笑斯翁皇皇汲汲登山臨水佳處徑呼籃輿去彷彿

佛柴桑栗里從我耆門生兒子嘗試平章先賢傳屈原
醒不似劉伶醉拚酩酊臥花底

又宋菴訪梅

鵲報千林喜還猛省謝家池館早寒天氣要與瑤姬敘
離索草草杯盤藉地悵減盡何郎才思不願玉堂并金
屋願年年歲歲花閒醉餐秀色挹高致西園飛盡東
山妓問何如半山雪裏孤山煙外管甚夜深風露冷人
與長餅共睡任翠羽枝頭多事老子平生無他過爲梅
花受取風流罪簪白髮莫教墜

又游水東周家花園

溪上收殘雨倚畫欄薄絛乍脫日陰亭午鬧市不知春

色處散在荒園廢墅漸小白長紅無數客子雖非河陽
令也隨緣暫作鶯花主那可負甕中醕碧雲四合千
巖暮恨慙慙余方有事子姑歸去趁取羣芳未搖落暇
日提魚就煮歎激電光陰如許回首明年何處在問桃
花尙記劉郎否公莫笑醉中語

又和詠茶蘼

曾與瑤姬約恍相逢翠裳搖曳珠鞬聯絡風露青冥非
人世攬結玉龍驂鶴愛萬朶千條纖弱禱祝花神憐惜
取問開時晴雨須斟酌枝上雪莫消卻惱人匹似中
狂藥凭危欄燭光交映樂聲遙作身上春衫香薰透看
到參橫月落算茉莉猶低一著坐有綵山王郎子倚玉

簫度曲難爲醉君不飲鑄成錯

又用前韻賦黃荼蘼

想赴瑤池約向東風名姬駿馬翠鞵金絡太液池邊鵲
羣下又似南樓呼鶴畫不就穠纖嬌弱羅帕封香來天
上瀉銅盤沆瀣供清酌春去也被留卻芳魂再返應
無藥似詩詠綠衣黃裏感傷而作愛惜尙嫌蜂采去何
況流鶯蹴落且放下珠簾遮著除卻江南黃九外有何
人敢與花酬酢君認取莫教錯

又再用約字

淺把宮黃約細端相普陀煙裏金身珠絡萼綠華輕羅
襪小飛下祥雲仙鶴朵朵賽蜂腰纖弱已被色香撩病

思儘鵝兒酒美無多酌看不足怕殘卻 人閒難得傷
春藥更枝頭流鶯呼起少年狂作留取姚家花相伴羞
與萬紅同落未肯讓蠟梅先著樂府今無黃絹手問斯
人清唱何人醉休草草認題錯

又客贈芍藥

一夢揚州事畫堂深金餅萬朵元戎高會座上祥雲層
層起不減洛中姚魏歎別後關山迢遞國色天香何處
在想東風猶憶狂書記驚歲月一彈指 數枝清曉煩
馳騎向小窗依稀重見蕪城妖麗料得花憐儂消瘦儂
亦憐花憔悴漫悵望竹西歌吹老矣應無騎鶴日但春
衫點點當時泪那更有舊情味

又郡宴和韻

草草池亭宴又何須珠鞵絡臂琵琶遮面賓主一時詞
翰手倏忽龍蛇滿案傳寫處塵飛鶯囀但得時平魚稻
熟這腐儒不用青精飯陰霧掃霽華兒使君償了豐
年願便從今也無敲朴也無廚傳試拂籠紗看壁記幾
箇標名渠觀想九牧聞風爭羨此老飽知民疾苦早歸
來載筆薰風殿詩有諷賦無勸

又再和前韻

夢斷鈞天宴怪人閒曲吹別調局翻新面不是先生瘡
啞了怕殺烏臺舊案但掩耳蟬嘶禽囀老去把茅依地
主有瓦盆盛酒荷包飯停造請免朝見少狂誤發功

名願苦貪他生前死後美官佳傳白髮歸來還自笑管
轄希夷古觀看一道冰銜堪羨妃子將軍暝未已問匡
山何似金鑾殿休更待杜鵑勸

又題蒲澗寺

風露驅炎毒記仙翁飄然謫墮吹笙騎鵲歷歷漢初秦
季事山下瓜猶未熟過眼見羣雄分鹿想得拂衣遊汗
漫試回頭劉頂俱蠻觸斫鯨膾脯麟肉越人好事因
成俗擁遨頭如雲士女山南山北問訊先生無恙否齊
魯干戈滿目且遊戲扶胥黃木不是世無瓜樣聚便有
來肯飽癡兒腹聊舉酒笑相屬

又王實之喜余出嶺命愛姬歌新詞以相勞輒次其韻

此腹元空洞少年時諸公過矣上天吹送老大被他禁
害殺身與浮名孰重這鼓笛休休拈弄彩筆擲還殘錦
去用江淹鮑昭事願今生來世無妖夢且飯犢莫吞鳳新來
瘖啞如翁仲羨王郎驂鸞縹緲玉簫吹動應笑夔州村
裏女灸面生愁進奉要絕代傾城安用今古何人知此
理有吾家酒德先生頌三萬卷漫充棟

又蒙恩主崇禧再用前韻

主判茅君洞有檐閒查查喜鵲曉來傳送幾度黃符披
戴了此度君恩越重僕五任祠廟一南岳二仙都三玉局四雲臺五崇禧被賀監
天隨調弄做取散人千百歲笑渠儂一霎邯鄲夢歌而
過鳳兮鳳灌園織屨希陳仲問先生加齊卿相可無

心動除卻醴泉中太乙揀箇名山自奉那捷徑輸他藏
用有耳不曾聞黜陟免教人貶駁徂徠頌服蘭佩結茅
棟

又三和

謫下神清洞更遭他挪揄黠鬼路旁遮送薄命書生雞
肋爾卻笑尊拳忒重破故紙誰教繙弄一枕茅檐春睡
美便周公大聖何須夢門前客任題鳳卜鄰羊仲并
求仲願春來西疇雨足土膏犁動白髮巡官占歲稔不
問京房翼奉棹與囊從今無用醉與老農同擊壤莫隨
人投獻嘉禾頌在陋巷勝華棟

又席上聞歌有感

妾出於微賤小年時朱絃彈絕玉笙吹徧粗識國風關雎亂羞學流鶯百轉總不涉閨情春怨誰向西鄰公子說要珠鞍迎入梨花院身未動意先嬾主家十二樓連苑那人人靚妝按曲繡簾初卷道是華堂簫管唱笑殺雞坊拍袞回首望侯門天遠我有平生離鸞操頗哀而不愠微而婉聊一奏更三歎

又生日用竇之來韻

鬢雪今千縷更休休癡心默望故人明主晚學瞿聃無所得不解飛昇滅度似曉鼓鼙鼙拋五散盡朝來湯餅客且烹雞要飯茅容母怕回首太行路麟臺學士微雲句便樽前周郎復出審音無誤安得春鶯雪兒輩輕

拍紅牙按舞也莫笑儂家蠻語老去山歌尤協律又何
須手筆如燕許援琴操促箏柱

又再用前韻

放逐身藍縷被門前羣鷗戲狎見推盟主若把士師三
黜比老子多他兩度袖手看名場呼五不會車邊望塵
拜免他年青史羞潘母句曲洞是歸路平生怕道蕭
蕭句況新來冠敝弁側醉人多誤管甚是非并禮法頓
足低昂起舞任百鳥喧啾春語欲託朱絃寫悲壯這琴
心脈脈誰堪許君按拍我調柱

又寶之三和有憂邊之語走筆答之

國脈微如縷問長纓何時入手縛將戎主未必人間無

好漢誰與寬些尺度試看取當年韓五豈有穀城公付
授也不干曾遇驪山母談笑起兩河路少時棋枰曾
聯句歎而今登樓攬鏡事機頻誤聞說北風吹面急邊
上衝梯屢舞君莫道投鞭虛語自古一賢能制難有金
湯便可無張許快投筆莫題柱

又四用縷字韻爲王實之壽

萬字如鍼縷憶王郎丹墀大對氣爲文主貴近旁觀俱
失色仰止如天聖度笑杜牧成名居五晚面清光猶苦
諫似封人懇切言君母謫塵世錯行路當時宜和薰
風句又那知青雲一跌被才名誤輸與靈和殿前柳柔
輓隨風學舞怪雨鳥新來停語不是先生高索價問何

時宰相先生許舉杯祝莫傾柱

又實之用前韻爲老者壽戲答

身畔無絲縷但從前練裳練悅做他家主甲子一周加

二紀兔走烏飛幾度賽孔子如來三五

徐陵云小如來五歲多孔子三

年鶴髮蕭蕭無可截要一杯留客慚陶母門外草欲迷

路朗吟白雪陽春句待夫君驪駒不至鵲聲還誤老

去聊攀萊子例倒著斑衣戲舞記田舍火鑪頭語肘後

黃金腰下印有高堂未敢將身許且扇枕莫倚柱

又張倅生日

輦路東風裏試回頭金閨昨夢侵尋三紀歲晚巋然靈
光殿僕與君侯而已漫過眼幾番桃李珠履金釵常滿

座問誰人得似張公子馳驥驟佩龜紫
宿雲收盡檐聲止玳筵開高臺風月後堂羅綺
恰近洛人修禊節莫惜飛觴臨水怕則怕追鋒
徵起此老一生江海客願風雲際會從今始寧
鬱鬱久居此

又九日與二弟二客郊行

老去光陰駛向西風疏林變纈殘霞成綺
尙喜暮年腰腳健不礙登山臨水算自古英遊
能幾客與桓公俱臭腐獨流傳吹帽狂生爾後
來者亦猶此
籃輿伊軋柴桑里問黃花沒些消息空籬而
已賴有一般芙蓉月偏照先生懷裏且覓箇欄
干同倚檢點樽前誰見在憶平生共插茱萸底
歡未足飲姑止

末章追懷無競處和二弟

又己未九月同季弟子姪飲倉部弟免菴良翁宮教來會

憶昔俱年少向斯晨登高懷古賦詩舒嘯追數樽前插花客人物並皆佳妙禁幾度西風殘照元子寄奴曾富貴到而今一一消磨了君不樂後人笑山南山北添華表歎歸來謝池草合黃臺瓜少老去愛持齊物論誰管彭殤壽夭待細說教天知道不羨兩蘇并二宋願弟兄歲歲同吹帽杯到手莫辭醕

又居厚良翁皆和余亦繼作

何必遊嵩少屋邊山松風浩蕩虎龍吟嘯舊效楚人悲秋作晚愛陶詩高妙髮如此臨流羞照屈指向來夸毗

子被西風一筆都勾了曾不滿達人笑 當年玉振於
江表悵而今老身空在歡娛全少假使眞如彭祖壽蒙
叟猶嗤渠天偶落筆不經人道歲晚連牀談至曉勝箇
頭出沒看烏帽君舉白我頻醕

又

人老難重少強追陪李侯痛飲劉郎清嘯

興兒也
現弟也報答

秋光無一字虛說君房語妙且匣起青銅休照賴有多
情籬下菊待西風不肯先開了留晚節發孤笑 孔璋
客紹衡依表有誰憐戴花翁病插莧人少生不逢場閒
則劇年似龔生猶天喫緊處無人曾道到得扶他迂叟
出算貂蟬未抵深衣帽街酒賤更沽醕

又四用韻

猶記臣之少興狂時過陳遵飲對孫登嘯歲晚登臨多
感慨但覺齊山詩妙任蓉月柳風吹照金印不來丹飛
去擬神仙富貴都差了空鑄錯與人笑 九年前拜懸
車表試回看柴桑菊老立都花少周也曾言殤子壽佛
以白頭爲天心白頭亦爲天末後句巖頭曾道頭似
禿驚巾裏嬾最不宜蟬冕宜僧帽杯中物直須醺

又五用韻讀坡公和陶詩其九篇爲重九作乃敘坡事
而賦之

行樂尤宜少憶坡公洞簫聽罷劃然長嘯四海共知霜
鬢滿莫問近來何妙也不記金蓮曾照老沒太官餽酒

分把茱萸便準登高了齊得喪等嘻笑 集無韓子潮
州表數當時南遷者眾北歸人少赤壁王堂均一夢此
豈蠻煙能天與同叔俱嘗知道誰向進賢冠底說畫出
來不似眉山帽秋菊殘獻公酬

又六用韻敘謫仙爲官教兄壽

鵬賦年猶少初爲大鵬遇希有鳥賦晚飄蓬夜郎秋浦
漁歌猿嘯月下聞見太白詩駿馬名姬俱散去參透南
華微妙斂萬丈光芒迴照如子將軍腹箇甚老先生拂
袖金闥了供玉齒粲然笑 解驂賴有汾陽老歎今人
布衣交薄綈袍情少黃祖斗筲何足算鸚鵡才高命天
與賀監其歸同道脫下錦袍與獸底謫仙人白苧烏紗

帽

題太白像烏紗巾白苧袍

邀素月入杯醕

又傅相生日壬戌

低局從頭錯解危機除非喚取國棋來著不信胡兒能
膽大南岸安他陣腳談笑裏烏巢空幕西起岷峨東海
岱有捷旗露布無宵柝莘渭後到秋壑淮田犁徧吳
田穫問臺家山河宇宙是誰擎託自覺懷中殘錦盡采
色彰施技薄視柳雅韓碑瞳若稽首魯公黃髮頌世何
人堪繼奚斯作楚狂語莫刪卻

又癸亥九日

宿雨輕飄灑少年時追歡記節同人于野老去登臨無
腳力徙倚屋東籬榭但極目海山如畫千古惟傳吹帽

漢大將軍野馬塵埃也須彩筆爲陶寫
鶴歸舊里空悲咤歎原頭纍纍高冢
洛英凋謝留得香山病居士卻入漁翁
保社悵誰伴先生情話樽有葡萄簪有
菊西涼州不似東籬下休喚醒利名者

又拂袖歸來也嬾追陪竹林嵇阮蘭亭
王謝誰與此翁相暖熱賴有平生伯雅
且放意高吟閒話山鳥山花皆上客
又何須勝似公榮者胸磊塊總澆下
盤龍癡絕求鵝炙這先生黃齏甕熟味
珍無價酒頌一篇差要妙莊列諸書土
苴任禮法中人嘲罵君特未知其趣耳
若還知火急來投社共秉燭惜今夜

又甲子端午

過眼光陰駛憶垂髫留連節物逢場遊戲初試練衣弄
紈扇鬪采菖蒲澗裏今髮白顏蒼如此艾子蕭郎方用
事怪先生苦死紉蘭芷君不樂欲何俟頭標奪得羣
兒喜向溪邊旁觀助譟歎吾衰矣欲建鼓旗無氣力喚
起龍泉改委水心評余詩有建大將旗鼓非子孰當之語但酒戶加封而已
去秋禪需余晚覺醉鄉差快活那獨醒公子真歎底聊
洗淨笛箏耳添加三百戶

又二鶴

家有仙禽二早追隨先生杖屨互鄉童子旦旦池邊三
薰沐夜夜山中警睡且伴我人閒遊戲此老生平哀大

陸到末梢始憶華亭唳評往事敗佳思 古云鶴算誰
能紀歎歸來山川如故人民非是但願主君高飛去莫
愛乘軒祿位更賽過食威千歲假使焦山眞羽化待華
陽貞逸銘方瘞我拍手渠展翅

洞仙歌 癸亥生朝和居厚弟韻題請仙像

上林全樹曾借君棲宿朝過瑤臺暮羣玉忽翩然脫下
宮錦袍來□□□卻向齊州受籙 等閒揮醉筆欬唾
千篇長與詩家竊膏馥身是酒星文星剛被詩人□喚
做禁中頗牧便散髮騎鯨去何妨從我者誰欺安期徐
福

又和居厚弟韻

眇難攬鏡跛尤難穿履賴有胡公菊潭水信醫言斷了
重碧輕紅禁害殺不遣高吟大醉古來稀七十添許
多年贏得賤天致君事莫問客去門前金盞牀頭留寶
扇御詩珍祕疇昔慕乖崖老尙書到晚節依稀有些兒
似

後村長短句卷五

莆田 劉克莊 潛夫

八聲甘州

物微生處遠往還來非但稻梁求似愛長安日怕陰山
雪善自爲謀箇裏幸無鳴鏑隨意占沙洲歸興何妨待
風景和柔 昔到衡陽回去今隨陽避地徧海南頭與
西川流寓彼此各淹留未得雲中消息登望鄉臺了又
登樓江天闊幾行草字字字含愁

燭影搖紅

用林卿韻

拙者平生不曾乞得天孫巧那回忝扈屬車來豈是齊
卿小此膝不曾屈了更休文腰難運掉前賢樣子表聖

宜休申公告老 涼簟安眠絕勝瀑直鈴聲攪集中大
半是詩詞幸沒潮州表月夕花朝詠嘯歎人閒愁多樂
少蓬萊有路辦箇船兒逆風也到
祝英臺近

雨淒迷風料峭情緒被花惱白白紅紅滿地無人掃可
堪解佩盟寒墜樓命薄更杜宇枝頭閒燭 綠陰繞青
帝結束恩恩轉眼朱明了怕與春辭茗芋玉山倒後期
覺做明年春年年好卻不道明年人老

最高樓 戊戌自壽

南嶽後累任作祠官試說與君看仙都玉局纔交卸新
銜又管華州山怪先生吟膽壯飲腸寬 去歲擁旌旗

稱太守今歲帶笭簪稱漫叟慵入關慣投閒有時拂袖
尋種放有時攜枕就陳搏任旁人嘲潦倒笑癡頑

又再題周登樂府

周郎後直數到清真君莫是前身八音相應諧韶樂一
聲未了落梁塵笑而今輕郢客重巴人只少箇綠珠
橫玉笛更少箇雪兒彈錦瑟欺賀晏壓黃秦可憐樵唱
并菱曲不逢御手與龍巾且醉眠篷底月甕閒春

又乙卯生日

吾衰矣百事且隨緣隻字不牋天幾曾三宿爲歸計更
巴一歲是希年記兒時聞祖父說隆乾我不與少年
爭遇合你莫共老僧爭戒臘靴皴面悅垂肩錦袍奪去

饒之問虎皮撒起付伊川賸空身無畏物可飛仙

又

吾衰矣不慕勒燕然不愛畫凌煙此生慚愧支離叟何
功消受水衡錢錯教人占卦氣算流年漫摘取野花
簪一朵更揀取小詞填一箇晞素髮暖丹田羅浮杖勝
如旌節華陽巾不減貂蟬這先生非散聖卽臞仙

又

辛亥後六請挂衣冠甲子始休官白駒恰則來空谷青
牛早已出函關笑狂生還笏易上竿難也莫愛宮中
請內相也莫愛堂中呼六丈但禱祝要癡頑嬾揮玉斧
重修月不扶鐵拐會登山免飛昇長快活戲人間

又

臣少也豪舉，泛星槎，飄逸吐天葩。穆陵誤獎，推儒宿龍
泉，曾喚做行家。今耄矣，文跌宕，字麻茶。同隊者，多爲
公與相，廣坐裏，都無兄。與丈生有限，望猶奢。補還瞎子
重開卷，放教跛子出看花。地行仙，疑是汝，不爭些。

又林中書生日

金閨彥，荷蕢過山前。把釣坐溪邊，呼來每得天顏笑。放
歸猶作地行仙，儘教人瞋避俗，謗逃禪。目絨了，淳夫
三昧口，更袖了坡公三制手。寧殿後，不爭先。小於衛武
二十歲，大於絳老兩三年。這高名，并上壽，幾人全。
風入松 福清道中作

橐泉夢斷夜初長別館淒涼細思二十年前事歎人琴
已矣俱亡改盡潘郎鬢髮消殘荀令衣香多年布被
冷如霜到處同牀簫聲一去無消息但回首天海茫茫
舊日風煙草樹而今總斷人腸

又同前

歸鞍尙欲小徘徊逆境難排人言酒是消憂物奈病餘
孤負金罍蕭瑟擣衣時候淒涼鼓缶情懷遠林搖落
晚風哀野店猶開多情惟是燈前影伴此翁同去同來
逆旅主人相問今回老似前回

又癸卯至石塘追和十五年前韻

殘更難睡抵年長曉月淒涼芙蓉院落深深閉歎芳卿

今在今已絕筆無求凰曲癡心有返魂香
起來休鐸鬢邊霜半被堆牀定歸兜率蓬萊去奈人閒無路茫茫
緣斷漫三彈指憂來欲九回腸

又

攀翻宰樹暫徘徊草草安排昔人徒步陳雞絮愧公家
僕馬觥罍華表舊愁滿目黃梁殘夢傷懷欲將莊列
等歡哀對卷慵開憑高指點虛無路問何年遼鶴歸來
宿酒得風漸解小興待月同回

臨江仙己酉和實之燈夕

玉笛鈿車當日事東塗西抹都曾開曲子壓和疑
相縱遊非草草已醉強惺惺今向三家村送老身如

罷講吳僧高樓百尺不須登半鑪燒葉火一瓊勘書燈
又縣圃種花

落魄長官江海客少豪萬里尋春而今憔悴向溪濱斷
無觴詠興惟有簿書塵手插海棠三百本等閒妝點
芳辰他年絳雪映紅雲丁寧風與月記取種花人
又庚子重陽余以漕攝帥會前帥唐伯玉前漕黃成父

於越王臺明年是日寓海豐縣驛作

去歲越王臺上飲席間二客如龍憑高弔古壯懷同馬
嘶千嶂暮樂奏半天中今歲三家村市裏故人各自
西東菊花時節酒樽空可憐雙雪鬢禁得幾秋風

又潮惠道中

不見仙湖能幾日塵沙變盡形容夜來月冷露華濃都
忘茅屋下但記畫船中兩岸綠陰猶未合更須補竹
添松最憐幾樹木芙蓉手栽纔數尺別後爲誰紅

浪淘沙丁未生日

去歲詣公車天語勤渠絳紗玉斧照寒儒恰似昔人曾
夢到帝所清都骨相太清臞謫墮須臾今年黃敕換
稱呼只爲此翁霜鬢禿老不中書

又

早歲類寒蛩晚節遭逢曾開黃卷侍重瞳歸去青藜光
照牖階藥翻紅出畫頗恩恩主眷猶濃除官全似紫
陽翁

寶文

漳州換箇新衙頭面改又似包公

辭郡得
小龍

又

紙帳素屏遮全似僧家無端霜月闌窗紗喚起玉關征
戍夢幾疊寒笳歲晚客天涯短髮蒼華今年衰似去
年些詩酒新來俱倚闌孤負梅花

又

疊嶂碧周遮遊子思家掩藏白髮賴烏紗落日倚樓千
萬恨社鼓城笳老去淡生涯虛擲年華臘茶孟子太
清些待得癡兒公事畢謝了梅花

又素馨

目力已茫茫縫菊爲囊論衡何必帳中藏卻愛素馨清
鼻觀采伴禪牀風露送新涼山麝開房旋吹銀燭閉

華堂無柰紗廚遮不住一地聞香

鳳凰閣

元規端委得似幼輿北壑人言此輩宜高閣幾載種天
隨菊采龐公藥龍尾道難安汗腳浮榮菌蕈選甚庶
官從橐對牀句子真佳作安用羨伊結駟歎儂羅雀呼
便了沽來共酌

法駕導引

樵柯爛丹竈熟一跳出紅塵斗紫一雙龍奮蟄帝青九
萬里爲程赤腳踏層雲鞭鸞上騎麟下彷彿覩崑崙
灑馬鬣泉蘇赤地翻蟾滴水漲滄溟笑殺憎仙人

一翦梅

袁州解印

陌上行人怪府公還是詩窮還是文窮下車上馬太恩
恩來是春風去是秋風階銜免得帶兵農嬉到昏鐘
睡到齋鐘不消提獄與知宮喚作山翁喚作溪翁

又余赴廣東實之夜餞於風亭

束縕宵行十里強挑得詩囊拋了衣囊天寒路滑馬蹄
僵元是王郎來送劉郎酒酣耳熱說文章驚倒鄰牆
推倒胡牀旁觀拍手笑疏狂疏又何妨狂又何妨

踏莎行
甲午重九牛山作

日月跳丸光陰脫兔登臨不用深懷古向來吹帽插花
人盡隨殘照西風去老矣征衫飄然客路炊煙三兩
人家住欲攜斗酒答秋光山深無覓黃花處

又巧夕

驅鵲營橋呼蟾出海朝朝暮暮遙相望誰知風雨此時
來銀河便有些波浪玉兔迷離金雞嘲哂二星無語
空惆悵元來上界也多魔天孫長怨牽牛曠

玉樓春

戲林推

年年躍馬長安市客舍似家家似寄青錢換酒日無何
紅燭呼盧宵不寐易挑錦婦機中字難得玉人心下
事男兒西北有神州莫滴水西橋畔泪

鵲橋仙

戊戌生朝

金風淅淅銀河淡淡長少羣賢畢會平生心事麴生知
怪此夕惺惺相對立花生眼新霜點鬢不肯遮藏老

態人閒何處有仙方
壁劃得二三百歲

又桃巷弟生日

御屏錄了冰銜換了酷
似香山居士草堂丹竈莫留他
且領取忠州刺史
移來芳樹摘來珍果壓盡來禽青
李三千年一薦金盤又不是玄都栽底

又答桃巷弟和篇

閣中芸冷觀中桃
謝誰問貞元朝士吾宗一句好書紳
但記取毋汙青史

知幾告張說語

不交平勃不遊田竇也不

朋他牛李平章此去似何人似洛社戴花舞底

又林侍郎生日

出通明殿入耆英社
誰似侍郎洪福掌中元自有三珠

更檢校諸孫夜讀 管他萊相管他鶴相留我本來面目希夷一枕未曾醒笑人世幾回翻局

又居厚弟生日

俱登瀛館俱還洛社各自健如黃犢不消外監與留臺也不要嵩山崇福 我如原父君如貢父且把漢書重讀韓公當局等閒過又看到溫公當局

又鄉守趙丞相生日

去年無麥今年多稼盡是君侯心地向來寺寺總拘樁今有不拘樁底寺 省倉展日米場鐫價萬落千村蒙惠更將補納放寬些便是箇西京循吏

又庚申生日

香芸辟蠹青藜燭閣天上寶書萬軸前回讀得未精詳
更罰走一遭重讀松風如故丹鑪如故坐閱人閒陵
谷回頭調戲竊桃兒且甞耐等他桃熟

又足痛

有時塊坐有時扶起門外草深三尺山禽尚喚我爲哥
句句道哥行不得此兒害跛羣兒拍手次第加公九
錫不消長塵短轅車但乞取一枝鶴膝

又生日和居厚弟

女孫笄珥男孫袍笏少長今朝咸集且留晚節伴寒香
莫要似春華性急大招吟了巫咸下了未愛修門重
入我儂不做佛漳閩免大雪庭中欬立

又林卿生日

一封奏御九重知，已不假吹嘘送上從。
今穩穩到蓬萊，三萬里沒些風浪。
臣年雖老，臣卿尙少，一片丹心葵
向何須遠比馬賓王，且做取本朝种放。

又居厚生日

我如龔勝君如龔，舍拂袖同歸鄉里。
其騎竹馬有誰存，總喚入耆英社裏。
蒼華髮尙黑，黃婆脾方旺，爭問翁
年今幾一門兩箇老人星，直看見孫兒生子。

又鄉守趙計院生日

蒲鞭漸弛鋸箠漸少，安用知他簾外從今也。
莫察淵魚，做到不忍欺田地。
四民香火五營笳吹來獻一杯壽。

後五
水大家贊祝太夫人長伴取魯侯燕喜

柳梢青賀方聽蛙八十

申白苛留綺園浪出老不知羞輸與先生一枝鶴膝一
領羊裘 便教賜履營北爭似把漁竿到頭冷落磻溪
張皇牧野著甚來由

鷓鴣天腹疾困睡和朱希真詞

前度看花白髮郎平生痼疾是清狂幸然無事汗青史
省得教人奏赤章 遊俠窟少年場輸他羣謝與諸王
居人不識庚桑楚弟子誰從魏伯陽

又戲題周登樂府

詩變齊梁體已澆香奩新製出唐朝紛紛競奏桑間曲

寂寂誰知爨下焦
揮彩筆展紅綃十分峭措稱妖嬈
可憐才子如公瑾未有佳人敵小喬

卜算子惜海棠

盡是手成持合得天饒借風雨於花有底讎著意相陵藉
做暖逼教開做冷催教謝不負明年花下人只負
栽花者

又

片片蝶衣輕點點猩紅小道是天公不惜花百種千般
巧朝見樹頭繁暮見枝頭少道是天公果惜花雨洗
風吹了

又

亂似盎中絲密似風中絮行徧茫茫禹迹來底是無愁
處好客挽難留俗事推難去惟有翻身入醉鄉愁欲
來無路

又良翁禮部生日

開閣廣延賢負展勤求舊應念南宮老舍人閒袖絲綸
手兩制必當仁五福無過壽且喜新年不要口天要
開元祐

又曹守生朝十二月初六日

東川寧馨兒南國循良守先把鑪熏祝帝堯次祝君侯
壽廣致米商船多釀兵廚酒客有鬚眉似蓋延許至
華堂否

又燕

已怪社愆期尙喜巢如故過了清明未肯來莫被春寒
誤常傍畫檐飛忽委空梁去忘卻王家與謝家別有
銜泥處

又茉莉

老圃獻花來異域移根至相對炎官火繖中便有清涼
意淡薄古梳妝嫺雅仙標致欲起涪翁再品花壓了
山礬弟

朝天子

宿雨頻飄灑歡喜西疇耕耨終朝連夜有珠璣鳴瓦
漸白水青秧鷗鷺下老學種花兼學稼心雨挂這幾樹

海棠休也

清平樂 五月十五夜玩月

纖雲掃迹萬頃玻璃色醉跨玉龍遊八極歷歷天青海
碧水晶宮殿飄香羣仙方按霓裳消得幾多風露變
教人世清涼

又

風高浪快萬里騎蟾背曾識嫦娥真體態素面元無粉
黛身遊銀闕珠宮俯看積氣濛濛醉裏偶搖桂樹人
閒喚作涼風

又贈陳參議師文侍兒

宮腰束素只怕能輕舉好築避風臺護取莫遣驚鴻飛

去一團香玉溫柔笑顰俱有風流貪與蕭郎眉語不
知舞錯伊州

又丹陽舟中作

休彈別鶴泪與絃俱落歡事中年如水薄懷抱那堪作
惡昨宵月露高樓今朝煙雨孤舟除是無身方了有
身長有閒愁

又居厚弟生日

冰輪萬里雲卷天如洗先向海山生大士卻誕卯金之
子冰盆荔子堪嘗膽餅茉莉尤香震旦人人炎熱補
陀夜夜清涼

又居厚弟生日

人間喘汗無計翻銀漢有箇至人來震旦宴坐補陀巖
畔吾聞福壽難量待看海底生桑乞取淨餅一滴普
教大地清涼

好事近

壬戌生日和居厚弟

老不計生朝慚愧阿連書尺雪鬢霜髭不管管眼腰黃
赤待將心事自賤天莫費子公力乞賜先生處士換
一張黃敕

菩薩蠻

戲林推

小鬟解事高燒燭羣花圍繞擣蒲局道是五陵兒風騷
滿肚皮玉鞭鞭玉馬戲走章臺下笑殺灞橋翁騎驢
風雪中

憶秦娥暮春

遊人絕綠陰滿野芳菲歇芳菲歇
養蠶天氣采茶時節
枝頭杜宇啼成血陌頭楊柳吹成雪
吹成雪淡煙微
雨江南三月

又上巳

修禊節晉人風味終然別終然別
當時賓主至今清絕
等閒寫就蘭亭帖豈知留與人閒說
人閒說永和之
歲暮春之月

又

泥滑滑一聲聲喚征鞍發征鞍發
客亭楊柳不禁攀折
荀郎衣上香初歇
蕭郎心下書難說
書難說霎時吹

散一生愁絕

又

春醒薄夢中
毬馬豪如昨
豪如昨月明橫笛曉
寒吹角
古來成敗難描摸
而今卻悔當時錯
當時錯鐵衣猶在不堪重著

又

梅謝了塞垣凍解鴻歸早
鴻歸早憑伊問訊大梁遺老
浙河西面邊聲悄
淮河北去炊煙少
炊煙少宣和宮殿冷煙衰草

西江月

腰痛舊傳陳復齋名方歲久失之
思邈方書去失休文老病來攻
新年筋力太龍鍾腰似

鐵貓兒重 雅拜怎生搢笏徐行也要扶筇田翁邀飲
不能從難伴諸公上雍

朝中措元質侍郎生日

恰爲仙佛做生辰公又紱麒麟黑白幾枰屢變丹青百
奏如新 都門餞底洛中畫底莫是前身雖老不扶靈
壽有時更上蒲輪

又艮翁生日

受持鼻祖五千言留得谷神存伴我賦詩茅屋饒渠待
詔金門 此翁歲晚有書充棟有酒盈樽君看多花早
落孰如仙李蟠根

又艮翁生日

仙風道骨北山翁萬卷著胸中
渙若宦情冰釋作□醉
面桃紅 干林凍槁一枝雪
豔消息先通顏色□青精
飯姓名在碧紗籠

又陳左藏生日

海天萬頃碧琉璃風露洗炎曦
鸚鵡綠毛導從蟠□雪
色追隨 分明來處補陀大士
先後同時覓取善財童
子膝邊要箇孫兒

後村長短句校記

卷一

哨徧

題

宋本坡翁翁作公張月霄本集括入律作該括入作

六州歌頭

羣花

珠髻

休回首

毛子晉本花作芳珠髻作瑤砌休作芳

空

水調歌頭

使

題

宋本儀真下有郡字歌頭二字云字並無

又

遺

拓落

張本作落拓

又

日落

佳夕

原鈔夕作席从宋本

又

怪

只在

原鈔在作孤另原鈔另作安从宋本

沁園春

何處

題

宋本有方字 千兩

趙北

畫鼓

輕喚

披衣

毛本兩作乘趙作代畫鼓作鼻息輕作健披作推

後

又暮緣雲向中年歎名姬都成誰弔有

命毛本緣作侵向作到歎作悵灑泪張本作

又我細為爭知道山重毛本為作與爭

又卷一皆堪鬢改從改作減

又我題鍾毛本作寄戴飛帶原鈔戴作詩酒風濤肯

學事楚騷毛本詩酒作風月風掀髯然原鈔髯作

毛本鼓舞毛本鼓悲噪張本悲誰摸索道是本

誰作暗

漢宮春牆角舞袖披披張本作廣

又謝雞鳴原鈔雞作

卷二

念奴嬌

如北

題

原鈔生日作元日从宋本

又

君卯

斯人

原鈔人作文从宋本

又

中夢

同蒲柳

原鈔同作於从張本

又

朝四

雖禿

張本禿作白

摸魚兒

怪新

傷心處

滄洲

渾閭

物

毛本處作色滄洲作扁舟渾作

都

又

甚春

萬姝

原鈔姝作姝从陽春白雲

霜點鬢

毛本天怎忍年年不帶毛

作不成

苔

做得

毛本青作蒼得作取

長相思

也

題

原鈔別上無錢字从毛本

卷三

滿江紅

金甲

題

原鈔無从毛本

受交

又老子題朱本什作二十

又赤題原鈔無范尉

又往日顏色原鈔顏作

又十八秋霄張本霄

又破著聊拋發宋本聊

又說與橫笛張本橫

又墨奎西來原鈔來作落筆張本筆

又江左汎掃張本汎

水龍吟生先淡詞原鈔二字

又公祁虹玉張本虹

又行藏徐甲原鈔甲字闕

卷四

賀新郎

北望

題

宋本本作送陳倉部知真州

怎生

太行山

駕馭

想投戈

兩河

誰夢

算事業

應笑

毛本怎生作向誰山

作兵驥作御想作看河作淮誰作不算作這應作堪

又

說

巍冠

原鈔冠作幾从毛本

又

驛

一句

張本句作語

又

題

宋本本作戊戌壽張使君九月十八日

菊花

毛本作芙蓉

壺山

原鈔壺作湖从

毛本

又

院

誇結束

新樣

毛本誇作新新作時

又

湛

亂愁

少年

而今

毛本愁作山年作時而作如

又

絕

滁陽

毛本作文章

喚取

張本取作起

歌舞散

毛本散作罷

又動地蒼苔徑毛本徑不似張木似

又溪上題元鈔無

又曾與問開時毛本問

又淺把呼起毛本呼黃絹原鈔絹作

又夢一別後原鈔後作妖麗毛本妖

又謫下門前張本前

又妾出題毛本本國風華堂雞坊毛本國風

作畫雞

又國脈何年毛本年

又何必舊效歡娛原鈔效作游娛

卷五

最高樓周郎題原鈔題首無

風入松秦泉年前宋本前

又攀遼鶴原鈔遼作

臨江仙玉笛題原鈔己酉作

又不見猶未合原鈔猶作

浪淘沙早歲階藥原鈔藥作

又紙帳俱倚閣毛本作

一翦梅上陌題毛本作中秋帶兵農毛本帶註按龍下

踏莎行月日題原鈔脫

玉樓春年年題宋本作戲呈

鵲橋仙中閣一句張本句

爰變

卜算子

是盡

題

毛本作手植海棠盛開
風雨作崇輒作小詞

底籬

著意

毛本

底作甚
著作作

又

月

是天公

毛本作人
東君後闕同

雨洗

毛本洗
作打

清平樂

纖雲

方按

張本按
作奏

又

宮腰

題

毛本題作頃在維揚陳師
文參議家舞姬絕妙賦此

後村先生長短句汲古閣刊本爲別調一卷今通行者也林秀發編後村居士集五十卷詩餘爲二卷曾見殘宋本鮑渌飲得明鈔後村詞以爲勝於毛刻未獲寓目繆小珊前輩藏鈔本後村大全集一百九十六卷乃愛日精廬故籍張月霄錄自范氏天一閣者長短句五卷視林本幾倍之僅水調歌頭君看郭西

景一闕未之編入吾郡陸氏百宋樓舊有此本今流入東瀛天一祖本亦久亡佚惟藝風祕笈孤虔人閒矣亟謀錄副授梓人以中有闕文尙俟斟補適老友吳伯宛以劉燕庭藏鈔大本長短句寄示視張本爲完善閒有譌脫卽援張本參校寫定兼取殘宋本汲古本及陽春白雪改補若干條舉其異同之足備參考者疏記如右刊旣成又見夏悔生同年藏後村集殘鈔本爲卷六十與諸本又別詞僅存目編次同大本本卷末西江月後有朝中措四闕張劉二本竝闕惜乎無從采獲海內同志或發匭藏俾成完帙跂予望之已壬子九日彊村遺民朱孝臧跋

癸丑秋仲吾郡張石民得舊鈔後村集六十卷本於
滬上小珊前輩錄張劉二本所闕西江月結拍二句
朝中措四闕見示遂補刻之孝臧又記